

席上看弄丸歌

臨淄卽墨天下聞。鬪雞走狗紛如雲。我來
作客喜結納。唇舌不減樓君卿。銀花之脯
八帶魚。主人邀我飲半醺。當筵少年擊鼉
鼓。更一少年袒臂舞。足下紅錦鞢。腰間五
色組。手持一丸摩雲端。一丸未落復一丸。
雙丸將落承以頂。須臾更重人。雲中看更出
七。丸在肘後。兩手承蜩。左復右。旁有少年

拍手嗤大言。此技安足奇。摩頂至地身。倒
懸以足弄。丸目不施七。丸上下聲相擊。擊
聲一。依鼓為節。是時我醉不欲眠。紛紛羅
袖屏前列。

渡淮

黃河經北徙。千里背淮流。遠樹煙中暝。荒
城天際浮。人歸二三月。南去一孤舟。何處
王孫釣。傷心古渡頭。

讀荒城天際浮五字
為淮人傷心今更隄

高於
城矣

閨怨

流蘇空繫合歡床。夫婿長征妾斷腸。留得
當時臨別淚。經年不忍浣衣裳。

詩人寫淚
者多無寫

到此
者

陳子升

字喬生廣東人縣諸生以薦舉
官給事中。喬生詩麗而有骨

原本義山近代
中可儷楊升菴

昔昔鹽

鴛鴦樓外鳥欲棲。玳瑁梁間燕吐泥。月暈
圓。隨漢東。蟬。天河傾向汝南雞。萬方儀態
華。鐙出一笑橫陳翠帳低。愁見曉鴻征塞
北。不知天將定遼西。

何嘉延

字奕美浙
江山陰人

燕子樓

極目古徐州。斜陽睥睨愁。黃河聞改岸。紅
粉尚名樓。芳草長埋恨。悲風不待秋。尚書

遺墓在。可有珮環遊。

地已變遷樓名長在一女子之貞亦足不

朽可以風世矣

張可度

字屬筏江南江寧人

廬山懷古

父居黃閣女崆峒流水桃花石室中無限

炎威竟何在成仙卻讓李騰空

自注林甫女也李白

有送內之廬山訪女道士李騰空詩

沈欽圻

字得輿江南長洲人邑諸生贈內閣學士兼禮部侍郎。後學

周準真諱。國初詩沿明季餘習多宗景陵。先大父往復陶杜自慙。臆未嘗求工而自中繩削。陸起碩太僕謂鍾譚之風流毒天下不能濡染。沈生大是豪傑之士太僕先大父師也不輕許人當時以為篤論。

春日招諸生

春風來融融。好花自為開。好鳥林間鳴。求友聲喈喈。我心適無事。觸物俱和諧。鳥尚求其群。人豈無同儕。花下設杯酒。願與諸子偕。中心諒有得。各自抒我懷。元化本大

公何用分形骸春風沂水
無非天趣

生祠

虎邱七里塘生祠何纍纍椽棟高入雲丹
蘄紛陸離連牆與接牖屹然豎豐碑下承
以鼉鼉上蟠以龍螭華文表德行大論抒
猷為某公居官日曲折行其私析利如秋
秧忘卻民膏脂文中頌清節飲水過伯夷
某公居官日斷獄無矜疑五刑任喜怒罔

卹童與耆。文中頌仁愛。舉陶為士師。周覽
諛悅文。一例慙惡辭。舊有遺愛人。行政介
且慈。行如打包僧。肅然去官時。士民走相
送。各各涕漣漣。誰為建祠宇。惟由後人思
好官。無生祠。墨吏有。生祠好官。與墨吏行
人知。不知。傾吐出之如白傳秦中
吟辭氣風骨無一不肖

除夕書事

匆匆歲欲盡。有客過我廬。云有急難事。强

梁禦諸途一身惟赤手。何以還里閭。君能
急人患。哀歎為君呼。援手寔我分。焉敢辭
有無。所愧生計薄。末由足君須。傾囊贈之
去。餽歲無留餘。恐乖家人意。歡顏對妻孥。
妻孥知我心。笑言倍怡怡。依然煨榾柮。聊
復煥桃符。八夜四壁清。此心真晏如。

童奴石義託身於阮懷寧府中頗用
事招家五弟衷亦往謂微官可得

既至弟識亂徵時遊倡樓示荒嬉
不可用乃放歸乍歸而留都不復
守矣喜其能識時自汙以免因贈
以詩

都督滿街走職方賤如狗

自注時童謠

此時乾

坤入醉鄉君臣嬉戲同披猖剪伐連枝折
故劍一網盡欲罹鸞鳳僕隸招邀吾弟去
人頭畜鳴日相遇寸心陡觸大厦傾厝火

積薪難久駐。自荒於色耽。倡樓是鄉足。樂
真溫。柔香濃魄醉。不知返。一笑似欲三年。
留懷寧謂是妄男子。收拾行裝子休矣。歸
來三月陪京亡。子嬰奔竄紲於枳。沙蟲猿
鶴。摠消沈。大地旋看換塗軌。吾弟依然把
耒耕。閒中常話小朝廷。從今永斷冠纓夢。
抱犢眠雲無限情。

贈徐元歎

波

少年為俠客。萬金散盡不少惜。中歲為詩
人。遠之楚澤哀靈均。歸來慕隱者。脫棄浮
榮如土苴。晚歲依空門。菴名落木歸本根。
我來訪君荒山裏。留客晚餐烹菊杞。夜寒
撲被擁繩牀。月滿空堂疑積水。不是尋常
話。箭鋒生平披豁見心胸。卅年無限悲涼
事。付與晨鐘暮鼓中。

贈詩竟作元歎小傳
起手八語立格甚奇

秦良王遺像

縵纓銀冑垂紅綬。兩襠耀日風前披。滿月
粉頰揚青眉。繡旗飄翻擁長鉞。誰人結束
整隊伍。知是石砮女土司英雄自古出巾
幘。投石戰場壯顏色。當年平靖奢崇明。一
騎紅裝萬人敵。手持長繩入賊陳。縛賊歸
來向空擲。思宗季年紛戰爭。勤王誓師萬
里行。至尊一語表英武。桃花馬上請長纓。